

Ullormut oqaluuserisassanut nassuiaat.

(Inatsisartut Siulittaasoqarfiat)

Immikkoortoq 95-ip, Aalisarnej pillugu Inatsisartut inatsisaata nr. 18-ip, 31. oktober 1996-imeersup allanngortinneqarnera pillugu Inatsisartut inatsisaat. (Siunertanut aalajangersaanernut aalajangersakkanik allannguuteqartitsineq, allaffissornikkut aqutsinermut siunertanut, kisitseqqissaarnermut siunertanut aamma nakkutilliinermut siunertanut atatillugu paasissutissiisussaataaneq, aalisarnermi misissuisartut ilanngunneqarnerat kiisalu atuisut akiliuteqartalernissaanik atuutsitsilernej), aappassaaneerneqarnissaata ulloq 24. novemberimut kinguartinneqarnissaa Aalisarnermut Ataatsimiititaliap qinnutigaa.

Immikkoortoq 61-ip, Namminersorlutik Oqartussat sanaartornermut aningaasaliuttagaasa kommuninut ingerlatassanngorlugit tunniunneqannginnerini sanaartornermut inatsisit ataatsimoortut naammassineqarsimanissaat atuutsinneqalersimanissaallu siunertaralugu sanaartornermut inatsisissatut siunnersuummik ataatsimoortumik saqqummiussinissaq siunertaralugu Naalakkersuisut sulissuteqaqqullugit Inatsisartut aalajangiiffigisassaattut siunnersuutip aappassaaneerneqarnissaata UPA 2010-mut kinguartinneqarnissaa Attaveqaqatigiinnermut Ineqarnermullu Ataatsimiititaliap qinnutigaa.

Immikkoortoq 148-p, Kalaallit Nunanni aatsitassap piiarneqarsinnaatitaasup suulluunniit uran-imik akuata 0,1 %-mut qaffasinnerpaaffilerneqarnissaa piaarnerpaamik sulissutigeqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuutip aappassaaneerneqarnissaata UPA 2010-mut kinguartinneqarnissaa siunnersuuteqartup qinnutigaa.

Immikkoortoq 81, Naalakkersuisunut apeqqut: Naalakkersuisut ilaqutariinnut politikki ilaqutariit ataatsimut isigalugit suut anguniarpaat aammattaaq ilaqutariit imatut agguarlugit; ilaqutariit pissakinnerusutut, ilaqutariit akunnattumik isertitalittut, ilaqutariit atugarissaarnerusutut taaneqartartut?, siunnersuuteqartup tunuartippaa.

Ullumi ullormut oqaluuserisassanik ima allannguisoqarpoq immikkoortoq 137-p kingunitsiannua immikkoortoq 22 aamma 132 oqaluuserineqassallutik.

Inatsisartunut ilaasortat makku akornanni taasisarnej pillugu isumaqatigiittoqarpoq:

Ruth Heilmann (S) aamma Kuupik Kleist (IA) ulluni 20. – 23. november.

Kristian Jeremiassen (S) aamma Debora Kleist (IA) ulluni 20. – 27. november.